

Messhalten, Circuitus¹⁴⁸ vnd ander Bâpstlich gepreng¹⁴⁹ stercken, vermehren vnd [H 4v:] allen Menschen auff das allerernstlichst einbilden solle?

Alle diese vnd andere dergleichen vnzehliche reden, Opinionen, gründe vnd jrthum der alten vnd newen Sacramentirer, damit sie die festen vnd vnbe-
 5 weglichen wort der einsetzung Christi vnd also die ware wesentliche gegen-
 wart des Leibs vnd Bluts Christi vermeinen vmbzustossen vnd noch ferner
 sich möchten vnterstehen, die alten gefasten Jrthum mit newen glossen zu
 verteidigen, ferben vnd ausputzen, halten wir ernstlich vor fehrliche,¹⁵⁰
 schedliche Schwermerey vnd Jrthum, die in diesen vnsern Kirchen bis hieher
 10 sind durch Gottes Wort gestrafft¹⁵¹ worden vnd, zu erhaltung der warheit vnd
 des hertzlichen trostes im Testament des Herrn vns vbergeben, forthin auch
 sollen vnd müssen gestrafft werden.

Was von andern Artikeln vnser Christlichen glaubens, die vnrichtigerweis
 in diesen streit von den Sacramentirern mit eingezogen vnd gemenget wor-
 15 den sind, vnser glauben, Lahr vnd meinung sey, beruffen wir vns auff das
 gantze Corpus doctrinae vnd andere vbergebene bewerte Schrifftten vnser lie-
 ben Väter vnd Praeceptorn, auch etzliche Confessionen zu Dressden wider-
 holet vnd vnterscriben, auch auff die allgemeine Hauptsymbola der alten
 rechtgleubigen Kirchen, als das symbolum Apostolicum, Nicaenum, Athana-
 20 sianum, Ephe-[I 1r:]sinum, Chalcedonense vnd andere, darinnen dieselben
 Articul wider allerley Gotteslesterung vnd Ketzerey ausfürlich sind erkleret
 vnd erstritten worden.

Bitten demnach den lieben Gott vnd Vater vnser Herr Jhesu Christi von
 herten, er wolle vns vnd dieser Land Kirchen vnd alle derselben trewe Lerer
 25 bey reiner vnuorfelschter Lere erhalten vnd fur schwermerey vnser liebe
 Obrigkeit vnd vns gnedig behüten vnd bewaren, die Vorbitt vnd hertzlich
 Gebet vnser Hohenpriesters Johan. 17¹⁵² in dieser letzten gefehrlichen Zeit
 krefftiglich in der gantzen Christenheit lassen wircken.

Ach Herr Jhesu, du Son des lebendigen Gottes, der du bist der weg, die war-
 30 heit vnd das Leben,¹⁵³ heilige vnd erhalte vns in deiner warheit. Dein Wort
 ist die warheit.¹⁵⁴ Schlecht vnd recht¹⁵⁵ behüte vns allezeit. Amen.

¹⁴⁸ Umhertagen.

¹⁴⁹ Gepräuge, Riten.

¹⁵⁰ gefährliche.

¹⁵¹ zurückgewiesen, getadelt.

¹⁵² Joh 17,1–25.

¹⁵³ Vgl. Joh 14,6.

¹⁵⁴ Vgl. Joh 17,17.

¹⁵⁵ Zu der Reimformel „schlecht und recht“, die den alten Sinn von „schlecht“ als „einfach“ bewahrt, der ansonsten auf „schlicht“ übergegangen ist, vgl. Art. schlecht 8 f), 16), in: DWb 15, 526, 535f.